



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Ioannes Eleemos. 23. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

equuleique & obelisci sequebantur. Inde è ferro manus, galea, styli, subula, ungula, lamina, pestines, rota, grabati, fornaces, omnia à flammis ignea. Ostēdebantur adhac picis, olei, sulphuris liquati & viva calcis vis ingens, major minarum tyrannicarum, multo maxima blanditiarum, opumq; frustra promissarum. Visebantur ergastulorum, carcerumque simulachra. Ipsum mare captivum ducebatur, & præter alias devictas urbes Ancyra, Nicomedia, ipsa adeo Roma gerebatur, & triumphata triumphos suos erubescibat. Currum leones (pedes etiam triumphantis lambere edocti) trahebant. Hunc secuta innumera turba est pileata, omnes è Deorum servitute in Christianam libertatem CLEMENTIS virtute asserti. Tot cæli cives servati totidem Servatori suo coronas porrigebant, addidit cælum triumphalem, Angeli plausum, & carmina. Nos ignavi triumphos laudamus, & pugnas horremus. *Ex Surio.*

S. IOANNES ELEMOS.

23. Januarii.

CUM annū ageret XV. IOANNES, misericordia divina manifestā in luce sponsam se ei obrulit. Annuit continuo. Et ratum conjugium Superi habuerunt, dotemque addiderunt, tam opulentam, ut semper deinde haberet,

D 5 quod

quod in egenos effunderet. Archiepiscopus jam Alexandrinus lustrum egit clientum suorum, hoc est, pauperum, numeravitque septies mille & quinquaginta, quibus omnibus deinceps in singulos dies victum subministravit. Sed nec ulli alii piam manum unquam subduxit, ut merito id certaminis cum DEO suscepisse sit visus, plusne hic dare, an reddere ille posset. Munificentiam vel ex eo vide, quod ultimùm ægrotanti unicus super teruncius fuerit vix naulum morituro. Ipse in testamenti sui tabulis reperisse ingenuè se fatetur in arario auri pondo octies mille, & hæc decies millies, & amplius aucta dilapidasse se in pauperes gloriatur. Anno igitur D. XCII. è corporis ergastulo in palatium abiit, quod piæ ipsius munificentiaë structum in cœlo Troilus vidit, & verò invidit postea, cum tam bonæ prodigalitatæ æmulus est factus. Venienti obviam IOANNI sua è calo Sponsa processit cælestis aula cubiculario comitata, manuque peramanter prehensum ad DEI conspectum deduxit. Ipse IOANNES nec mortuus sibi dissimilis, oleo, quod è tumulto suo dedit, in miseros mitis esse perrexit. *Ex Surio.*

SILDE-